

Fundacion Sinterklaas ta anuncia yegada di Sinterklaas

DURANTE un atardi ameno, Fundacion Sinterklaas a organisa un conferencia di prensa pa trece e ultimo informacion tocante yegada di Sinterklaas.

Fundacion Sinterklaas cu tin bou di su encargo e organisacion completo di yegada di Sinterklaas.

Fundacion Sinterklaas ta consisti di un grupo di persona hopi entusiasma pa sigi engrandece e fiesta bunita cu ya ta parti di e cultura di Aruba pa nos muchanan pa hopi aña mas.

Fundacion Sinterklaas ta un grupo inovativo cu ta consisti di un grupo di boluntario sra. Eveline Frank-Maduro, sr. Robert Maduro y sra. Maybeline Arends-Croes. Dennis Burke, Sigmara Kock y demás boluntarionan

E aña aki mescos cu tur aña nos ta zorg p'e bira un fiesta hopi grandi y cu hopi actividad pa nos muchanan.

Durante conferencia di prensa a hiba palabra sra. Evelyn Frank-Maduro, President di Fundacion Sinterklaas.

Como tal Sinterklaas lo yega Aruba diadomingo 15 di november, 2015 na APA pa 10 or di mainta.

Nos tin di remarca cu lo bay tin tentnan den e parkinglot di APA y for di 9 or mainta lo tin entretenimiento p'e mucha nan cu ta spera anciosamente p'e yegada di Sinterklaas.

Saliendo for di APA manera tur aña Sinterklaas lo subi caminda pa deleita e muchanan, nan lo sali for di APA bay na man drechi riba LG Smith Blvd pasa riba e brug di Renaissance sigi straight y ta termina na Linear Park Plaza Turismo, dilanti Talk of the Town.

Unda Fundacion Sinterklaas a organisa un fiesta di celebracion pa yama e homber santo bon bini. Durante e celebracion lo ta bay tin diferente grupo di baile y di canto, show cu e pietnan mes lo prepara. Compañia tambe cu un bar y cushina hopi dushi pa nos muchanan, bendemento di T-Shirt, stand di cotton candy y popcorn y tambe Dino Jumps y face painting.

Pues un Kids Corner cu tur actividad pa e muchanan.

Fundacion Sinterklaas ta haci un yamada n'e mayornan y e muchanan pa yama bon bini na Sinterklaas y tur e Pietnan cu lo yega Aruba diadomingo, 15 di november for di 9 or di mainta na APA, p'asina pueblo di Aruba pasa un rato ameno den compania di famia.



Ricibi AweMainta tur dia den bo Inbox

Registra awo!
Manda bo e-mail na
noticia@awemainta.com